

	<h1>SLUŽBENE NOVINE OPĆINE GORAŽDE</h1>	
Godina III	08. novembar 2010. GORAŽDE	Broj 14

0512

Na osnovu člana 380. stav 1. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 15/09) i članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Goražde, na 25. redovnoj sjednici, održanoj dana 21.10.2010. godine, **d o n o s i:**

O D L U K U
**o utvrđivanju nacrt izmjena Regulacionog
plana "VITKOVIĆI" u Goraždu**

Član 1.

Utvrđuje se Nacrt izmjena Regulacionog plana "VITKOVIĆI" Goražde, izrađen od strane nosioca izrade izmjena Regulacionog plana, Instituta za građevinarstvo „IG“ d.o.o. Banja Luka.

Član 2.

Nosilac pripreme, Služba za prostorno uređenje i komunalne poslove Općine Goražde, će zajedno sa nosiocem izrade provesti javnu raspravu o Nacrtu navedenog plana u roku 30 dana od dana stupanja na snagu ove Odluke.

Sastavni dio Nacrta izmjena Regulacionog plana je grafički prilog koji će biti stavljen na uvid od dana usvajanja ove Odluke.

O mjestu izlaganja na uvid grafičkog priloga te mjestima na kojima će se obaviti javna rasprava, građanstvo i svi zainteresovani će biti

blagovremeno obavješteni putem sredstava javnog informisanja.

Član 3.

U periodu trajanja javne rasprave, primjedbe na Nacrt izmjena Regulacionog plana „VITKOVIĆI“ se mogu dati usmeno ili pismeno Službi za prostorno uređenje i komunalne poslove Općine Goražde.

Član 4.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-4987
Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeč-Klisura

0513

Na osnovu člana 70. Zakona o prostornom uređenju i građenju („Službene novine Bosansko-podrinjskog kantona Goražde“, broj: 15/09), i člana 6. stav 2. Pravilnika o načinu formiranja i radu Komisije za davanje stručne ocjene u postupku izdavanja urbanističke saglasnosti („Službene novine Bosansko-podrinjskog kantona Goražde“, broj: 7/10) i članova 18. i 84. Statuta Općine Goražde („Službene novine Općine Goražde“, broj: 13/07), Općinsko vijeće Općine Goražde, na 25. redovnoj sjednici, održanoj dana 21.10.2010. godine,

d o n o s i:

O D L U K U

o imenovanju Komisije za davanje stručne ocjene u postupku izdavanja urbanističke saglasnosti

Član 1.

Ovom Odlukom imenuje se Komisija za davanje stručne ocjene u postupku izdavanja urbanističke saglasnosti u skladu sa članom 70. Zakona o prostornom uređenju i građenju („Službene novine Bosansko-podrinjskog kantona Goražde“, broj: 15/09).

Član 2.

U Komisiju za davanje stručne ocjene u postupku izdavanja urbanističke saglasnosti imenuje se:

1. Nezim Ramić, dipl.ing. geodezije, predsjednik Komisije,
2. Smajo Sijerčić, dipl.ing. građevine, član Komisije,
3. Mersija Fejzić, dipl.ing. arhitekture, član Komisije.

Član 3.

Komisija se imenuje na mandat od 2 (dvije) godine od dana stupanja na snagu ove Odluke.

Član 4.

Zadatak Komisije iz člana 2. Ove odluke je: davanje stručne i argumentovane ocjene o urbanističko-tehničkim i oblikovnim, komunalnim i okolinskim, infrastrukturnim, saobraćajnim, tehničko-tehnološkim i drugim bitnim uvjetima za izgradnju objekata i izvođenje drugih zahvata u prostoru na područjima za koja nisu doneseni

dokumenti prostornog uređenja ili je istekao rok važnosti i primjene dokumenata prostornog uređenja.

Član 5.

Pored zadataka iz člana 4. ove odluke, Komisija može putem nadležne općinske službe sugerisati pokretanje inicijative za izradu izmjena i dopuna ili donošenje nove prostorno-planske dokumentacije - uz obrazloženje, na osnovu kojeg nadležna općinska služba može Općinskom vijeću predložiti donošenje odluke o pristupanju izradi nekog prostorno-planskog akta.

Član 6.

Članovima Komisije pripada naknada za rad u Komisiji, čija visina će biti propisana posebnim propisom.

Član 7.

Ova Odluka stupa na snagu 8 (osam) dana od dana objavljivanja u „Službenim novinama Općine Goražde“.

Broj: 01-02-4986
Goražde, 25.10.2010. godine

PREDSJEDAVALAČA VIJEĆA

prim.dr.Vesna Nemeč-Klisura

0514

Na osnovu člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde (“Službene novine Bosansko-podrinjskog kantona Goražde”, br. 1/08 i “Službene novine Općine Goražde”, broj: 03/08, 01/09 i 04/10)) i članova 18. i 84. Statuta Općine Goražde (“Službene novine Bosansko-podrinjskog kantona Goražde”, broj:13/07), Općinsko vijeće Goražde, na 25. redovnoj sjednici, održanoj dana 21.10.2010.godine, **d o n o s i:**

O D L U K U

**o davanju u zakup poslovnih prostorija u vlasništvu Općine Goražde
privrednom društvu “KEYSTONE” d.o.o.
Sarajevo**

Član 1.

Općina Goražde neposrednom pogodom daje u zakup na određeno vrijeme, na rok od 5 godina, poslovne prostorije (otkupna stanica)

površine 80 m² u naselju Rešetnica, Općina Goražde, privrednom društvu "KEYSTONE" d.o.o. Sarajevo za obavljanje registrovane djelatnosti - otkup poljoprivrednih proizvoda.

Član 2.

Visina zakupnine za poslovni prostor iz člana 1. ove Odluke utvrđuje se u iznosu od 1,00 KM/m² + PDV, što ukupno iznosi 80 KM + PDV.

Član 3.

I.
II.

Ovlašćuje se načelnik Općine da zaključi ugovor o zakupu poslovnih prostora iz člana 1. ove Odluke, kojim će regulisati bliža prava i obaveze ugovornih strana po osnovu zakupa.

Član 4.

Obavezuje se budući zakupac da redovno plaća režijske troškove (struja, voda, kanalizacija i dr.), koje budu potraživale ovlaštene organizacije i institucije po osnovu predmetnog poslovnog prostora.

Član 5.

Ova Odluka stupa na snagu osmog dana od dana objavljivanja u "Službenim novinama Bosansko – podrinjskog kantona Goražde".

Broj: 01-02-4981

Goražde, 25.10.2010.godine

PREDSJEDAVAJUĆA VIJEĆA

prim.dr.Vesna Nemeć-Klisura

0515

Na osnovu člana 13. stav 2. alineja 3. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06), i članova 35. i 183. stav 2. Zakona o prostornom uređenju i građenju Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 15/09 i člana 18. stav 2. alineja 3. Statuta Općine Goražde („Službene novine Bosansko-podrinjskog kantona Goražde“, broj: 13/07), Općinsko vijeće Općine Goražde, na 25. redovnoj sjednici, održanoj dana 21.10.2010. godine, **d o n o s i:**

O D L U K U

o usvajanju i provođenju izmjene Regulacionog plana „Ilovača“ u općini Goražde

Član 1.

Usvaja se izmjena Regulacionog plana „Ilovača“ u općini Goražde (u daljem tekstu: Plan), koji se ima provoditi u skladu sa odredbama ove Odluke.

Član 2.

Sastavni dio ove Odluke je Plan koji sadrži:

- tekstualni dio
- grafički dio sa sastavnim priložima:
 - Prilog br. 1. POSTOJEĆE STANJE - geodetska podloga R = 1:1000
 - Prilog br.1.1. POSTOJEĆE STANJE FIZIČKIH STRUKTURA
 - spratnost i namjena objekata R = 1:1000
 - Prilog br. 2. IZVOD IZ VAŽEĆEG RP „ILOVAČA“
 - Urbanističko rješenje sa parcelacijom R = 1:1000
 - Prilog br. 3. INŽINJERSKO-GEOLOŠKA KARTA R = 1:1000
 - Prilog br. 4. KARTA OCJENE PRIRODNIH I STVORENIH VRIJEDNOSTI R = 1:1000
 - Prilog br. 5. PLAN PROSTORNE ORGANIZACIJE R = 1:1000
 - Prilog br. 6. PLAN SAOBRAĆAJA I NIVELACIJE R = 1:1000
 - Prilog br. 7. PLAN INFRASTRUKTURE
 - Hidrotehnika R = 1:1000
 - Prilog br. 8. PLAN INFRASTRUKTURE
 - Elektroenergetika i telekomunikacije R = 1:1000
 - Prilog br. 9. SINTEZNI PLAN INFRASTRUKTURE R = 1:1000
 - Prilog br. 10 PLAN GRAĐEVINSKIH I REGULACIONIH LINIJA R= 1:1000
 - Prilog br. 11.a PLAN PARCELACIJE
 - Tačke i površine parcela R = 1:1000
 - 10.2. PLAN PARCELACIJE
 - Dužine frontova parcele R = 1:1000
 - Prilog br. 12. PLAN UKLANJANJA OBJEKATA R = 1:1000

Član 3.

Ovom odlukom uređuje se provođenje Plana, a naročito:
-granice prostorne cijeline;

- opći urbanističko-tehnički uvjeti za izgradnju građevina,
- uvjeti uređenja građevinskog zemljišta,
- uvjeti korištenja zemljišta na zaštitnim infrastrukturnim pojasevima i zaštićenim područjima,
- mjere zaštite stanovnika i materijalnih dobara od prirodnih i ljudskih djelovanja izazvanih nepogoda i katastrofa i ratnih djelovanja, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća,
- mjere zaštite prava lica sa smanjenim tjelesnim sposobnostima u skladu sa Uredbom o prostornim standardima, urbanističko-tehničkim uvjetima i normativima za sprečavanje stvaranja svih barijera za lica sa umanjnim tjelesnim sposobnostima, posebno kod izgradnje objekata (javni gradski saobraćaj, saobraćajnice, saobraćaj u mirovanju, pješački saobraćaj i izgradnja pristupa svim javnim objektima),
- uvjeti uređenja zelenih i slobodnih površina,
- mjere sprečavanja nepovoljnih uticaja na okoliš,
- odnosi između novoplaniranih objekata.

Član 4.

Naselje Ilovača nalazi se 19 km jugozapadno od centra Goražda i teritorijalno pripada vanurbanom području grada.

Obuhvat predmetnog plana nalazi se sa lijeve dolinske strane rijeke Osanice i izduženog je oblika sa pravcem pružanja sjeverozapad-jugoistok. Obuhvat je formiran oko centralnog dijela naselja lijevo i desno duž saobraćajnice koja prolazi dolinom rijeke Osanice, a centralno kroz naselje Ilovača.

Namjena ovog prostora je u većem procentu stanovanje, s tim da u središtu obuhvata predmetnog plana figurišu objekti centralnih djelatnosti, mjesna zajednica, pošta, ambulanta, osnovna škola te nekoliko stambeno-poslovnih objekata trgovačko-ugostiteljskog karaktera i stanica za otkup mlijeka.

Teren obuhvata plana u izgrađenom dijelu je uglavnom ravan, odnosno centralni dio naselja Ilovača, kako je pomenuto, nalazi se u dolini rijeke Osanice koja protiče zapadnom stranom predmetnog područja i čini dijelom granicu obuhvata Plana. Istočno i zapadno duž granice obuhvata Plana uzdižu se visoka brda. Sjeverni i južni dio čini nastavak doline pomenute rijeke i izgrađene saobraćajnice, lokalnog puta, koje su ujedno i okosnica linearnog razvoja naselja, odnosno većih i manjih grupacija objekata, kao i posljedica konfiguracije terena.

Član 5.

Prostor obuhvata Plana definisan je prvenstveno kao stambeno naselje sa tercijarnim i kvartalnim sadržajima i ambijentom koji može zadovoljiti sve potrebe stanovnika ovog, ali i šireg prostora, čiji su stanovnici upućeni sadržajima (ambulanta, pošta, osnovna škola) na ovo područje.

Unutar obuhvata plana evidentirane su i nove površine gdje postoje mogućnosti i tendencije za planiranjem i uređenjem novih sadržaja ili proširivanjem postojećih i potpunim definisanjem istih osnovnim urbanističko-tehničkim parametrima.

- Planom, sjeverni dio obuhvata Plana, formiran linearno duž saobraćajnice, planirano je u cjelosti zadržavanje postojećih individualnih stambenih objekata i planiranje novih sa tendencijom povećanja stepena izgrađenosti i porastom broja stanovnika.
- Južni dio Plana u kome se nalaze objekti društvenih djelatnosti (ambulanta, pošta, osnovna škola) kao i više individualnih stambeno-poslovnih objekata te nekoliko objekata kolektivnog stanovanja je također zadržao sve objekte u potpunosti sa trenutnim funkcijama uz dopunjavanje i planiranje novim sadržajima javnog društvenog karaktera, kao što je sportski teren, parking, prostor javne zelene površine, i to isključivo na neizgrađenim površinama. U okviru dvorišta Osnovne škole „Hasan Turčalo Brzi“ uz postojeći školski objekat planirana je višenamjenska fiskulturna sala za potrebe škole, ali i sportsko-rekreativne te druge aktivnosti mještana Ilovača. Ispred škole, kako je prethodno navedeno, planirana je izgradnja multifunkcionalnog sportskog igrališta standardnih dimenzija za potrebe mještana naselja Ilovača i stanovnika koji gravitiraju ovoj mjesnoj zajednici.

URBANISTIČKO-TEHNIČKI UVJETI

Član 6.

Uređenje građevinskog zemljišta u obuhvatu predmetnog Plana, podrazumijeva pripremu i opremanje zemljišta za gradnju.

Uređenje građevinskog zemljišta se vrši na osnovu ovog Regulacionog plana, a prema odredbama važećih zakonskih propisa (Zakon o prostornom uređenju i Odluka o građevinskom zemljištu).

Član 7.

Izgradnja objekata u obuhvatu Plana ne može se započeti bez minimalnog prethodnog uređenja građevinskog zemljišta.

Kao minimum uređenja građevinskog zemljišta utvrđuje se onaj obim u kome su izvedeni ili će se uporedno sa izgradnjom objekta izvesti radovi koji obezbjeđuju:

- snabdijevanje vodom,
- rješenje otpadnih i oborinskih voda,
- kolski pristup,
- snabdijevanje električnom energijom.

Član 8.

Granice prostorne cijeline prikazane su u grafičkom dijelu Plana, na karti br. 1 u mjerilu 1:1000 i opisane su tekstualno u članu 4. ove Odluke.

Namjena površina u granicama prostorne cijeline i granice površina raznih namjena prikazane su na karti broj 5 u mjerilu 1:1000.

II OPĆI URBANISTIČKO – TEHNIČKI UVJETI ZA IZGRADNJU GRAĐEVINA

Član 9.

Opći urbanističko-tehnički uvjeti za izgradnju građevina visokogradnje, saobraćajnih i infrastrukturnih građevina određeni su u poglavlju 4. tekstualnog dijela Regulacionog plana, na kartama br. od 5 do 11. grafičkog dijela Plana i u ovim smjernicama.

Horizontalni gabariti planiranih poslovnih objekat, prikazani na karti br. 5, su maksimalni.

Detaljnim urbanističko-tehničkim uvjetima određuje se definitivni horizontalni gabariti zgrade.

Kada za to postoje opravdani razlozi (primjena standardnih rastera kod projektovanja, usklađivanje gabarita sa granicom katastarske ili građevinske parcele, osiguranje propisanih tehničkih uvjeta i normativa za organizovanje poslovnog prostora za određenu namjenu, olakšavanje rješavanja imovinskopravnih odnosa, olakšavanje provođenja planskog rješenja i sl.), detaljnim urbanističko-tehničkim uvjetima mogu se, na obrazložen i dokumentovan zahtjev podnosioca zahtjeva za izdavalje urbanističke saglasnosti, odrediti definitivni horizontalni gabariti zgrade koji u nužnoj mjeri odstupaju od maksimalnih gabarita iz stava 2. ovog člana.

Uvjet za primjenu odredaba prethodnog stava je da se promjenom horizontalnog gabarita ne prelaze regulacione i građevinske linije ili

granice građevinske parcele, niti zauzima prostor planiran za saobraćajnice i saobraćajne površine.

Član 10.

Horizontalni gabariti saobraćajnica i saobraćajnih površina su, po pravilu, fiksni.

Detaljnim urbanističkim uvjetima mogu se odrediti minimalna odstupanja od podužnih elemenata saobraćajnica i saobraćajnih površina odnosno elemenata projektne geometrije na krakovima raskrsnica, ako to zahtjevaju opravdani tehnički razlozi (fazna izgradnja saobraćajnice, fazno rješavanje imovinsko-pravnih odnosa i sl.).

Član 11.

Vertikalni gabariti planiranih objekata izraženi su spratnošću zgrada i prikazani na karti br. 5.

Izuzetno od prethodnog stava moguće je dozvoliti povećanje etažnosti za jednu etažu, ukoliko urbanistički parametri propisani ovim Planom nisu ugroženi (koeficijenti izgrađenosti i iskorištenosti, parking-prostori...)

Član 12.

Planom se daje mogućnost planiranja podzemnih etaža, ukoliko postoji mogućnost tehničkog i konstruktivnog rješenja, te ukoliko to dozvoljavaju geotehnički uvjeti (nosivost tla, nivo podzemne vode i sl.), a koje se definišu kroz projektnu dokumentaciju.

Član 13.

Građevinske linije zgrada, prikazane na karti br. 11, su granične, i prikazuju liniju koju zgrada ne može preći na najisturenijim djelovima. Detaljnim urbanističko-tehničkim uvjetima određuje se položaj zgrade prema građevinskim linijama.

Kada za to postoje opravdani razlozi (organizacija prostora, primjena standardnih rastera za projektovanje, oblikovno usklađivanje sa susjednim zgradama i sl.) detaljnim urbanističko-tehničkim uvjetima mogu se odrediti horizontalni gabariti ostalih nadzemnih etaža (osim prizemlja) koji prelaze planirane građevinske linije u mjeri koja je nužna da se uvažavaju navedeni razlozi (balkoni, terase, fasadni liftovi, ukrasni elementi fasada, konzole, strehe i sl.).

Na osnovu odredaba prethodnog stava ne mogu se odrediti horizontalni gabariti ostalih nadzemnih etaža zgrade koji bi zahvatili vazdušni prostor iznad kolovoza saobraćajnica.

Član 14.

Parcele se u postojećem stanju najvećim dijelom koriste kao građevinsko zemljište.

Novoplanirane parcele svojom veličinom i oblikom su definisane na osnovu urbanih standarda za svaki planirani objekat i namjenu. Najčešće izvedene korekcije granica parcela su u cilju omogućavanja spajanja dvije ili više postojećih manjih parcela, odnosno ukрупnjavanje čije zemljište graniči jedno sa drugim, kao i eventualno usitnjavanje većih parcela na više manjih.

Mogućnost uređenja prostora parcele kao i izgradnje objekata definisat će se urbanističko-tehničkim uvjetima nakon obrade i razmatranja detaljnih podataka kao što su vlasništvo, programski elementi - tačna namjena objekta, potrebe za infrastrukturom, parkiranjem manipulativnim prostorom, te posebni uvjeti uređenja - protivpožarni propisi, odlaganje otpada, uticaj na okolinu i dr.

Plan parcelacije je kroz grafički dio Plana prikazao pripadajuće parcele za svaki objekat pojedinačno.

Granice parcela su definisane koordinatama lomnih tačaka parcela. Svaka pojedinačna parcela je numerisana, sa definisanom površinom i frontovima (prikazano na grafičkim priložima).

Član 15.

Postojeće vodotoke, koji se nalaze u obuhvatu Plana, regulisati u prirodnom koritu.

Duž vodotoka obezbijediti zaštitni pojas u širini od 5m. U zaštitnom pojasu nije dozvoljena izgradnja objekata i sadnji vosiokog rastinja. Zaštitni pojas služiti će kao koridor za prolazak mehanizacije i ljudstva u periodu čišćenja korita.

Član 16.

Uvjeti za zaštitu i spašavanje stanovništva i materijalnih dobara od opasnosti i posljedica prirodnih i drugih nesreća, propisuju se prema zakonskim odredbama koje uređuju ovu oblast.

Član 17.

Projektna dokumentacija, koja se prilaže uz zahtjev za odobrenje za građenje, mora sadržavati projekat uređenja cijeline građevinske parcele, u smislu organizacije saobraćaja u mirovanju, uređenja pristupnih staza, zelenih površina i sl.

Član 18.

Do privođenja konačnoj namjeni koja je definisana Planom, površine u obuhvatu Plana mogu se koristiti na uobičajeni način, kao površine za poljoprivrednu obradu, saobraćajne i zelene površine, i sl.

Privremeno korištenje površina u smislu stava 1. ne uključuje građenje objekta, ni druge radove koji bi mogli znatno otežati privođenje konačnoj namjeni.

Član 19.

Pri projektovanju građevina, moraju biti ispunjene odredbe Uredbe o prostornim standardima, urbanističko-tehničkim uvjetima i normativima za sprečavanje stvaranja arhitektonsko-urbanističkih prepreka za osobe sa umanjnim tjelesnim mogućnostima („Službene novine F BiH“, br: 48/09“).

Član 20.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4982
Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeč-Klisura

0516

Na osnovu zakona o principima lokalne samouprave u Federaciji Bosne i Hercegovine, član 8. i član 13. („Službene novine Federacije Bosne i Hercegovine“, br. 49/06) i na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, br. 13/07), Općinsko vijeće Općine Goražde, na 25. redovnoj sjednici, održanoj dana 21.10.2010. godine, **d o n o s i:**

O D L U K U

o usvajanju Strategije privlačenja investicija u Općinu Goražde 2011 – 2013.

Član 1.

Ovom Odlukom usvaja se dokument Strategija privlačenja investicija u Općini Goražde za period 2011 – 2013. godina.

Član 2.

Zadužuje se Radna grupa za izradu Strategije privlačenja investicija u Općinu Goražde za period 2011 – 2013. da godišnje izvještava Općinsko vijeće o rezultatima sprovedenih aktivnosti iz Akcionog plana ostvarivanja postavljenih ciljeva.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4984
Goražde, 25.10.2010.godine

PREDSJEDAVALA VIJEĆA

prim.dr.Vesna Nemeć-Klisura

0517

Na osnovu članova 18. i 84. Statuta Općine Goražde („Službene novine Bosansko-podrinjskog kantona Goražde“, broj: 13/07) i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“ broj: 02/00,16/06 i12/09), Općinsko vijeće Općine Goražde, na 25. redovnoj sjednici, održanoj dana 21.10. 2010 godine, **d o n o s i:**

O D L U K U

o dodjeli kreditnih sredstava Agenciji za zaštitu ljudi i imovine „POBJEDA SIGURNOST“ d.o.o. Goražde iz Namjenskog depozita Općine Goražde u cilju bržeg zapošljavanja na području Općine Goražde

Član 1.

Odobravaju se kreditna sredstva u iznosu od 40.000,00 KM Agenciji za zaštitu ljudi i imovine „POBJEDA SIGURNOST“ d.o.o. Goražde iz Namjenskog depozita Općine Goražde u cilju bržeg zapošljavanja na području Općine Goražde, pod slijedećim uvjetima:

- rok otplate je 36 mjeseci od dana početka korištenja kreditnih sredstava,

- kamatna stopa je 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec,
- za dodijeljenih 40.000,00 KM korisnik kredita je obavezan uposliti pet radnika sa kojima zaključuje Ugovor o radu i zadržati ih u radnom odnosu najmanje tri (3) godine.

Član 2.

Korisnik kreditnih sredstava, Agencija za zaštitu ljudi i imovine „POBJEDA SIGURNOST“ d.o.o. Goražde, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenih radnika pod uvjetima iz člana 1. ove Odluke i to obrazac od specifikacije za isplatu plaća, ovjeren od strane nadležne porezne uprave ili uvjerenje o uplatama poreza i doprinosa za uposlenog radnika uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke Agencija za zaštitu ljudi i imovine „POBJEDA SIGURNOST“ d.o.o. Goražde će osigurati hipoteku na nepokretnu imovinu i dva žiranta prihvatljiva za Privrednu banku Sarajevo.

Član 4.

Agenciji za zaštitu ljudi i imovine „POBJEDA SIGURNOST“ d.o.o. Goražde, je obavezna da sredstva dugoročnog kredita vraća u jednakim mjesečnim anuitetima na transakcioni račun broj: 101140000001617, do sedmog dana u mjesecu.

U slučaju docnje Agencije za zaštitu ljudi i imovine „POBJEDA SIGURNOST“ d.o.o. Goražde sa plaćanjima anuiteta, banka ima pravo da odobreni kredit proglasi promptno dospjelim i zatraži naplatu cjelokupnog kredita zajedno sa pripadajućim dospjelim kamatama i obračunatim naknadama i troškovima.

Član 5.

U slučaju nepoštivanja odredaba ove Odluke od strane Agencije za zaštitu ljudi i imovine „POBJEDA SIGURNOST“ d.o.o. Goražde, kredit se u tom momentu smatra u cijelosti dospjelim za naplatu i banka će poduzeti sve mjere za naplatu istog.

Član 6.

Ovlašćuje se načelnik Općine Goražde da zaključi ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke kojim će se regulisati bliža prava i obaveze ugovorenih strana.

Ukoliko se Ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-4988
Goražde, 25.10.2010. godine.
PREDSJEDAVAJUĆA VIJEĆA

prim.dr.Vesna Nemeć-Klisura

0518

Na osnovu člana 12. stav 3. i člana 23. stav 2. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde (“Službene novine Bosansko-podrinjskog kantona Goražde”, broj: 01/08 i “Službene novine Općine Goražde”, broj: 03/08, 01/09 i 04/10) i članova 18. i 84. Statuta Općine Goražde (“Službene novine Bosansko-podrinjskog kantona Goražde”, broj: 13/07), Općinsko vijeće Goražde, na 25. redovnoj sjednici, održanoj dana 21.10.2010.godine

d o n o s i :

O D L U K U**o produženju ugovora o zakupu poslovnih prostora u vlasništvu Općine Goražde****Član 1.**

Općina Goražde produžava postojeći ugovor o zakupu poslovnih prostorija u vlasništvu Općine Goražde, poslovne prostorije površine 54 m², koje se nalaze u ulici Ferida Dizdarevića br. 17 u Goraždu, na rok od 5 godina, uz mjesečnu zakupninu od 361,80 KM + PDV od 17 %, što ukupno iznosi **423,30 KM, Kamenica Hidajetu.**

Član 2.

Ovlašćuje se načelnik Općine da zaključi ugovor o zakupu poslovnih prostora iz člana 1. ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o zakupu ovih poslovnih prostorija u roku od 30 dana od dana stupanja na snagu ove Odluke, ista prestaje da važi.

Član 4.

Ova Odluka stupa na snagu osmog dana od dana objavljivanja u “Službenim novinama Općine Goražde”.

Broj:01-02-4980

Goražde, 25.10.2010. godine
PREDSJEDAVAJUĆA VIJEĆA

prim.dr.Vesna Nemeć-Klisura

0519

Na osnovu stava 1. člana 107. i člana 108. Zakona o poljoprivrednom zemljištu (“Službene novine Federacije BiH”, broj: 52/09), člana 6. Pravilnika o uvjetima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države (“Službene novine Federacije BiH”, broj 78/09), te na osnovu člana 8. Programa raspolaganja poljoprivrednim zemljištem u vlasništvu države na području općine Goražde (“Službene novine Općine Goražde”, broj: 10/10), članova 18. i 84. stav 1. Statuta Općine Goražde (“Službene novine Bosansko-podrinjskog kantona Goražde” broj: 13/07), Općinsko vijeće Općine Goražde, na 25. redovnoj sjednici, održanoj dana, 21.10.2010.godine, **d o n o s i :**

ODLUKU**o raspisivanju javnog poziva za zakup poljoprivrednog zemljišta u vlasništvu države na području općine Goražde****Član 1.**

Odobrava se raspisivanje javnog poziva za davanje u zakup na određeno vrijeme, na rok od 10 (deset) godina, za ratarsko-povrtlarsku proizvodnju, poljoprivredno zemljište u vlasništvu

Općine Goražde, koje se u katastarskom operatu vodi kao oranica po slijedećim katastarskim općinama:

KO Goražde I: k.č.: 1192/5, 1269/16, 1294/41, 2111, 2934/2, 2924/2, 2925 i 3684, u ukupnoj površini 7346m².

KO Goražde II: k.č.: 683, 693, 702, 753/1, 825, 832/2, 838 i 1075/4, u ukupnoj površini od 9.189m².

KO Mravinjac: k.č.: 3963, 4468 i 4469, u ukupnoj površini 1.380m².

KO Vranići: k.č.: 6080, 6082 i 6087, u ukupnoj površini 1.395m²

KO Kreča: k.č.: 3385, 2940 i 3107, u ukupnoj površini 3.524m²

Početna cijena utvrđuje se u iznosu 0,012 KM/m² godišnje.

Član 2.

Odobrava se raspisivanje javnog poziva za davanje u zakup na određeno vrijeme, na rok od 25 (dvadeset pet) godina, za voćarsku proizvodnju, poljoprivredno zemljište u vlasništvu Općine Goražde, koje se u katastarskom operatu vodi kao voćnjak u katastarskim općinama:

KO Goražde I: k.č. 1720/18, u ukupnoj površini od 391m².

KO Goražde II: k.č.: 190, 213, 214, 587/3, 654/1, 684, 826, 831,2, 836/2, 1111/3 i 1240/4, u ukupnoj površini od 12.790m².

KO Orahovice: k.č.: 403, 420/2, 431/1, 431/3 i 4556, u ukupnoj površini 20.037 m².

KO Podkozara: k.č.: 288, 850, 915, 917, 920, 951 i 952, u ukupnoj površini 29.081 m².

KO Novakovići: k.č.: 165, 766, 1154, 1155, 2832, 2893/1, 2894/2, 2978 i 3065, u ukupnoj površini 19.474 m².

KO Ilovača: k.č.: 3292, u ukupnoj površini 2.312 m².

Početna cijena utvrđuje se u iznosu 0,008 KM/m² godišnje.

Član 3.

Odobrava se raspisivanje javnog poziva za davanje u zakup na određeno vrijeme, na rok od 10 (deset) godina, za ratarsko-stočarsku proizvodnju, (spremanje sijena i ispašu) poljoprivredno zemljište u vlasništvu Općine Goražde koje se u katastarskom operatu vodi kao livada po slijedećim katastarskim općinama:

KO Goražde II: k.č.: 149/1, 163, 188, 212, 215 i 374, u ukupnoj površini od 15.836 m².

KO Mravinjac: k.č.: 1290, u ukupnoj površini 651m².

KO Podkozara: k.č.: 707, 677, 918, 953 i 1118, u ukupnoj površini 15.952 m².

KO Hadžići: k.č.: 71, 396, 1192, 1778 i 1789, u ukupnoj površini 65.063m²

KO Kreča: k.č.: 10, 1291, 1489, 2389, 2392, 2394, 2400, 2438, 2464, 2467, 2468, 2526, 2538, 2558, 25690, 2612, 2620, 2641, 2703, 2942, 3074, 3161, 3172, 3177, 3181, 3230, 3231, 3240, 3242, 3360 i 3443, u ukupnoj površini 244.362m²
Početna cijena utvrđuje se u iznosu 0,005 KM/m² godišnje.

Član 4.

Dodjela zemljišta iz člana 1., člana 2. i člana 3. vršit će se fizičkim i pravnim licima prema iskazanim potrebama.

Član 5.

Zadužuje se načelnik Općine da propiše uvjete, kriterije i način dodjele poljoprivrednog zemljišta iz člana 1. ove Odluke.

Član 6.

Ova odluka stupa na snagu osmog dana od dana objavljivanja u „Službenim novinama Općine Goražde“.

Broj:01-02-4983

Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0520

Na osnovu Zakona o principima lokalne samouprave u Federaciji Bosne i Hercegovine, član 8. i član 13. („Službene novine Federacije Bosne i Hercegovine“ br. 49/06) i na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“ br. 13/07), Općinsko vijeće Općine Goražde, na 25. redovnoj sjednici, održanoj 21.10.2010. godine donosi:

O D L U K U

o usvajanju Lokalnog ekološkog akcionog plana (LEAP)

2011 – 2016.

Član 1.

Ovom Odlukom usvaja se dokument Lokalni ekološki akcioni plan Općine Goražde za period 2011 – 2016. godina.

Član 2.

Zadužuje se radna grupa za izradu Lokalnog ekološkog akcionog plana Općine Goražde za period 2011. – 2016. da godišnje izvještava Općinsko vijeće o rezultatima sprovedenih aktivnosti iz Akcionog plana projekata.

Član 3.

Ova Odluka stupa na snagu osmog dana od objavljivanja u „Službenim novinama Općine Goražde“.

Broj : 01-02-4985
Goražde, 25.10.2010.g.

PREDSJEDAVAJUĆA VIJEĆA

prim.dr.Vesna Nemic-Klisura

0521

Na osnovu člana 15. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde (“Službene novine Bosansko-podrinjskog kantona Goražde”, broj: 01/08 i “Službene novine Općine Goražde”, broj: 03/08, 01/09 i 4/10) i članova 18. i 84. Statuta Općine Goražde (“Službene novine Bosansko-podrinjskog kantona Goražde”, broj: 13/07), Općinsko vijeće Goražde, na 25. redovnoj sjednici, održanoj dana 21.10.2010. godine **d o n o s i**:

O D L U K U**o davanju u zakup poslovnih prostorija u vlasništvu Općine Goražde****Član 1.**

Općina Goražde daje u zakup, na osnovu javnog oglašavanja, na određeno vrijeme, na rok od 5 godina, poslovni prostor površine 24 m², koji se nalazi u Ulici Trg branilaca b.b. u Goraždu, **d.o.o. “VENECIJA”** iz Goražda, za obavljanje trgovinske djelatnosti uz mjesečnu zakupninu od **15,25 KM + PDV** po m², što ukupno iznosi **428,22 KM**.

Član 2.

Ovlašćuje se načelnik Općine da zaključi ugovor o zakupu poslovnih prostora iz člana 1. ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o korištenju ovih poslovnih prostorija u roku od 30 dana od dana stupanja na snagu ove Odluke, ista prestaje da važi.

Član 4.

Budući zakupac je dužan vršiti redovno održavanje poslovnih prostorija, te ih održavati u ispravnom stanju o vlastitom trošku, kao i plaćati režijske troškove (struja, voda, kanalizacija i dr.), koji nastanu po osnovu korištenja poslovnih prostorija.

Član 5.

Ova Odluka stupa na snagu osmog dana od dana objavljivanja u “Službenim novinama Općine Goražde”.

Broj:01-02-4979
Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemic-Klisura

0522

Na osnovu člana 29. Pravilnika o načinu rada i funkcioniranja štabova i povjerenika civilne zaštite (“Službene novine FBiH”, broj: 77/06 i 5/07), člana 180. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine FBiH”, broj: 39/03, 22/06), člana V stav 4. tačka 2. Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća (“Službene novine FBiH”, broj: 46/05 i 61/07), člana 1. i člana 2. Odluke o donošenju Godišnjeg plana korištenja sredstava za zaštitu i spašavanje za 2010. godinu broj: 02-44-4253/10, od 01.09.2010. godine, Štab civilne zaštite Općine Goražde, na desetoj redovnoj sjednici, održanoj dana 14.10.2010. godine,

d o n o s i:

ODLUKU

o sufinansiranju JU Dom zdravlja „Dr. Isak Samokovlija“ u realizaciji projekta „Prevenција zaraznih bolesti na području Općine Goražde“, u iznosu od 8.000,00 KM

Član 1.

Štab civilne zaštite Općine Goražde dodjeljuje finansijska sredstva u iznosu od 8.000,00 KM JU Dom zdravlja „Dr. Isak Samokovlija“ za sufinansiranje realizacije projekta „Prevenција zaraznih bolesti na području Općine Goražde“, čija je ukupna vrijednost 13.330,00 KM.

Član 2.

Finansijska sredstva potrebna za realizaciju člana 1. ove Odluke su osigurana i isplaćuju se iz finansijskih sredstava u ukupnom iznosu od 8.000,00 KM, po osnovu Odluke o donošenju Godišnjeg plana korištenja sredstava za zaštitu i spašavanje za 2010. godinu, broj: 02-44-4253/10, od 01.09.2010. godine, a utvrđena su u Budžetu Općine Goražde za 2010. godinu, a ista knjižiti na ekonomskom kodu: 614 – 238 – Provođenje preventivnih mjera zaštite i spašavanja.

Član 3.

Projekat JU Dom zdravlja „Dr. Isak Samokovlija“ „Prevenција zaraznih bolesti na području Općine Goražde“ sastavni je dio ove Odluke.

Član 4.

Za realizaciju ove Odluke zadužuju se Služba civilne zaštite i Služba za finansije, privredu i MZ Općine Goražde.

Član 5.

Općinske službe iz člana 3. ove Odluke obavezne su dostaviti načelniku Općine izvještaj po realizaciji ove Odluke.

Član 6.

Ova Odluka stupa na snagu danom donošenja, a objavit će se u “Službenim novinama Općine Goražde”.

Broj:02-44-02-44-4919/10
Goražde, 14.10.2010. godine
KOMANDANT ŠTABA
mr. Muhamed Ramović

0523

Na osnovu člana 29. Pravilnika o načinu rada i funkcioniranja štabova i povjerenika civilne zaštite (“Službene novine FBiH”, broj: 77/06 i 5/07), člana 180. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća (“Službene novine F BiH”, broj: 39/03, 22/06), člana V stav 4. tačka 2. Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća (“Službene novine FBiH”, broj: 46/05 i 61/07), člana 1. i člana 2. Odluke o donošenju Godišnjeg plana korištenja sredstava za zaštitu i spašavanje za 2010. godinu broj: 02-44-4253/10, od 01.09.2010. godine, Štab civilne zaštite Općine Goražde, na desetoj redovnoj sjednici, održanoj dana 14.10.2010. godine, d o n o s i:

ODLUKU

o sufinansiranju provođenja preventivnih mjera od pojave klizišta i plavljenja porodične kuće u vlasništvu Baljić Semiza u naselju Sadba, u iznosu od 1.500,00 KM

Član 1.

Štab civilne zaštite Općine Goražde dodjeljuje finansijska sredstva u iznosu od 1.500,00 KM za nabavku građevinskog materijala neophodnog za izvođenje radova u cilju provođenja preventivnih mjera od pojave klizišta i plavljenja porodične kuće u vlasništvu Baljić Semiza u naselju Sadba.

Vlasnik porodično-stambenog objekta, Baljić Semiz, nasenjen u Sadbi, na ime sufinansiranja projekta obavezan je da izvede sve potrebne zemljane radove i izvrši ugradnju građevinskog materijala iz stava 1. ovog člana o vlastitom trošku.

Član 2.

Finansijska sredstva potrebna za realizaciju člana 1. ove Odluke su osigurana i isplaćuju se iz finansijskih sredstava u ukupnom iznosu od 1.500,00 KM, po osnovu Odluke o donošenju Godišnjeg plana korištenja sredstava za zaštitu i spašavanje za 2010. godinu, broj: 02-44-4253/10, od 01.09.2010. godine, a utvrđena su u Budžetu Općine Goražde za 2010. godinu, a ista knjižiti na ekonomskom kodu: 614 – 238 – Provođenje preventivnih mjera zaštite i spašavanja.

Član 3.

Specifikacija građevinskog materijala je sastavni dio ove Odluke.

Član 4.

Za realizaciju ove Odluke zadužuju se Služba civilne zaštite i Služba za finansije, privredu i MZ Općine Goražde.

Član 5.

Općinske Službe iz člana 3. ove Odluke obavezne su dostaviti načelniku Općine izvještaj po realizaciji ove Odluke.

Član 6.

Ova Odluka stupa na snagu danom donošenja, a objavit će se u "Službenim novinama Općine Goražde".

Broj: 02-44-4917/10

Goražde, 14.10.2010. godine

KOMANDANT ŠTABA

mr. Muhamed Ramović

0524

Na osnovu člana 29. Pravilnika o načinu rada i funkcioniranja štabova i povjerenika civilne zaštite ("Službene novine FBiH", broj: 77/06 i 5/07), člana 180. i člana 184. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06), člana V stav 4. tačka 1. Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine FBiH", broj: 46/05 i 61/07), člana 1. i člana 2. Odluke o donošenju Godišnjeg plana korištenja sredstava za zaštitu i spašavanje za 2010. godinu broj: 02-44-4253/10, od 01.09.2010. godine, Štab civilne zaštite Općine Goražde, na desetoj redovnoj sjednici, održanoj dana 14.10.2010. godine, d o n o s i:

ODLUKU

o isplati naknade u ukupnom iznosu od 2.400,00 KM za plaćene troškove stručnog osposobljavanja za šest (6) pripadnika Općinske specijalizovane jedinice za zaštitu od požara

Član 1.

Štab civilne zaštite Općine Goražde dodjeljuje finansijska sredstva u ukupnom iznosu od 2.400,00 KM na ime naknade za plaćene troškove stručnog osposobljavanja za šest (6) pripadnika Općinske specijalizovane jedinice za zaštitu od požara, i to za:

- | | |
|---------------------------|-----------|
| 1. Husnija Halilović..... | 400,00 KM |
| 2. Benamir Uglješa | 400,00 KM |
| 3. Admir Korda..... | 400,00 KM |
| 4. Elvir Hubjer..... | 400,00 KM |
| 5. Esad Hrelja..... | 400,00 KM |

- | | |
|---------------------|-------------|
| 6. Adnan Perla..... | 400,00 KM |
| UKUPNO:..... | 2.400,00 KM |

Član 2.

Finansijska sredstva potrebna za realizaciju člana 1. ove Odluke su osigurana i isplaćuju se iz finansijskih sredstava u ukupnom iznosu od 2.400,00 KM, po osnovu Odluke o donošenju Godišnjeg plana korištenja sredstava za zaštitu i spašavanje za 2010. godinu broj: 02-44-4253/10, od 01.09.2010. godine, a utvrđena su u Budžetu Općine Goražde za 2010. godinu, a ista knjižiti na ekonomskom kodu: 614 – 237 – Obuka i vježbe struktura CZ.

Član 3.

Za realizaciju ove Odluke zadužuju se Služba civilne zaštite i Služba za finansije, privredu i MZ Općine Goražde.

Član 5.

Općinske Službe iz člana 3. ove Odluke obavezne su dostaviti načelniku Općine izvještaj po realizaciji ove Odluke.

Član 6.

Ova Odluka stupa na snagu danom donošenja, a objavit će se u "Službenim novinama Općine Goražde".

Broj: 02-44-4918/10

Goražde, 14.10.2010. godine

KOMANDANT ŠTABA

mr. Muhamed Ramović

0525

Na osnovu člana 184. stav 1. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06 i 41/10), člana VI stav 2. i 3. Odluke o uvjetima i načinu korištenja sredstava ostvarenih po osnovu posebnog poreza za zaštitu od prirodnih i drugih nesreća ("Službene novine FBiH", broj: 46/05 i 61/07), Zaključka Štaba civilne zaštite Općine Goražde broj: 5/4, od 14.10.2010. godine i člana 85. Statuta Općine Goražde ("Službene novine Bosansko-podrinjskog kantona Goražde", broj:18/07), rješavajući po zahtjevu Općine Maglaj, broj: 01-49-1193/10, od 07.07.2010. godine, načelnik Općine Goražde donosi:

ODLUKU

o dodjeli pomoći Općini Maglaj u iznosu 1.000,00 KM, za zbrinjavanje stanovništva ugroženog klizištima, nastalim u periodu od 24.06.2010. do 01.07.2010. godine

Član 1.

Općini Maglaj dodjeljuje se 1.000,00 KM (jedna hiljada) za zbrinjavanje stanovništva ugroženog klizištima, nastalim u periodu od 24.06.2010. do 01.07.2010. godine.

Član 2.

Finansijska sredstva potrebna za realizaciju člana 1. ove Odluke su osigurana i isplaćuju se iz finansijskih sredstava u ukupnom iznosu od 1.000,00 KM, po osnovu ove Odluke i Odluke o donošenju Godišnjeg plana korištenja sredstava za zaštitu i spašavanje za 2010. godinu broj: 02-44-4253/10, od 01.09.2010. godine, a utvrđena su u Budžetu Općine Goražde za 2010. godinu, a ista knjižiti na ekonomskom kodu: 614 – 241 – Saniranje dijela šteta nastalih prirodnim i drugim nesrećama.

Član 3.

Realizaciju ove Odluke vrše Služba civilne zaštite i Služba za finansije, privredu i MZ Općine Goražde.

Finansijska sredstva iz člana 1. ove Odluke uplatiti na žiroračun Budžeta Općine Maglaj, broj: 1994620050573555.

Član 4.

Općina Maglaj putem Službe civilne zaštite Općine Maglaj je dužna po završetku utroška sredstava iz člana 2. ove Odluke, dostaviti Službi civilne zaštite Općine Goražde izvještaj sa dokumentacijom o namjenskom utrošku sredstava.

Član 5.

Ova Odluka stupa na snagu danom donošenja, a objavit će se u „Službenim novinama Općine Goražde“.

Broj: 02-14-4916/10
Goražde, 18.10.2010. godine

KOMANDANT ŠTABA
mr. Muhamed Ramović

0526**ZAKLJUČCI**

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Na prijedlog predlagača povlači se prijedlog izmjena i dopuna Budžeta Općine Goražde za 2010. godinu.
2. Zaključak stupa na snagu danom donošenja.

Broj: 01-05-4993

Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0527

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Usvaja se Izvještaj o realizaciji Zaključaka sa prethodne sjednice (23. i 24.).
2. Zaključak stupa na snagu danom donošenja.

Broj: 01-05-4989

Goražde, 26.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0528

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Usvaja se Izvještaj o radu i izvršenju Programa rada Općinskog vijeća Općine Goražde za period od 01.01. do 30.06.2010. godine.
2. Zaključak stupa na snagu danom donošenja.

Broj: 01-05-5052

Goražde, 28.10.2010. godine

PREDSJEDAVAJUĆA VIJEĆA

prim.dr.Vesna Nemec-Klisura

0529

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Da se odmah pristupi priključenju komunalne infrastrukture, kako je definisano članom 4. Odluke o davanju u zakup poslovnih prostorija u vlasništvu Općine Goražde privrednom društvu „KEYSTONE“ d.o.o. Sarajevo.
2. Zaključak stupa na snagu danom donošenja.

Broj: 01-05-5031

Goražde, 27.10.2010. godine

PREDSJEDAVAJUĆA VIJEĆA

prim.dr.Vesna Nemec-Klisura

0530

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Zadužuje se Služba za prostorno uređenje i komunalne poslove da sve primjedbe i sugestije koje su iznijete na dvadeset petoj redovnoj sjednici Vijeća, održanoj 21.10.2010. godine, a tiču se Odluke o utvrđivanju nacrtu izmjena Regulacionog plana „Vitkovići“, razmotri i dostavi nosiocu izrade ovog Plana.
2. Zaključak stupa na snagu danom donošenja.

Broj: 01-05-5032

Goražde, 27.10.2010. godine

PREDSJEDAVAJUĆA VIJEĆA

prim.dr.Vesna Nemec-Klisura

0531

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Na prijedlog predlagača povlači se prijedlog Odluke o izmjenama i dopunama Odluke o izvršenju Budžeta Općine Goražde za 2010. godinu i Prijedlog Odluke o izmjenama i dopunama Odluke o izvršenju Budžeta Općine Goražde za 2010. godinu
2. Zaključak stupa na snagu danom donošenja.

Broj: 01-05-4994

Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemec-Klisura

0532

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Zadužuje se Komisija za pitanja boračko – invalidske zaštite, izbjeglih i raseljenih lica da ponudi Općinskom vijeću prijedlog stručnog tijela koje će analizirati i predlagati Općinskom vijeću rješenja vezana za pitanje izgradnje spomen-obilježja.
2. Rok za realizaciju ovog Zaključka je naredna redovna sjednica Vijeća.
3. Zaključak stupa na snagu danom donošenja.

Broj: 01-05-4992

Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0533

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Da naredni izvještaji o realizaciji zaključaka sa prethodne sjednice, koje dostavlja načelnik Općine, sadrže i kratak opis toka realizacije istih.
2. Zaključak stupa na snagu danom donošenja.

Broj: 01-05-4991

Goražde, 26.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0534

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. Općinsko vijeće Općine Goražde i dalje insistira na realizaciji ranije donesenih zaključaka koji se odnose na naplatu utuženih potraživanja po osnovu korištenja javnih površina, o nastalim dugovima Općine po osnovu neplaćenih poreza (PDV) i sudskih postupaka i sumnjivih potraživanja o

svakom predmetu pojedinačno iskazani u izvještaju o izvršenju Budžeta Općine Goražde za period 01.01.-30.06.2010. godine, a koji su iskazani u visokom iznosu, tako što će nadležne službe i dalje dostavljati tabelarni prikaz u kojoj fazi je izvršenje ovih zaključaka, da li su utuženi ili ne, sa mišljenjem Općinskog pravobranioca o istim.

2. Zaključak stupa na snagu danom donošenja.

Broj: 01-05-4990

Goražde, 26.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

0535

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj: 2/08), Općinsko vijeće Općine Goražde, na dvadeset petoj redovnoj sjednici, održanoj dana 21.10.2010. godine, **d o n o s i:**

Z A K L J U Č A K

1. U vezi sa Rješenjem o dodjeljivanju građevinskog zemljišta na korištenje Dženanu Vrani i dr., treba da se izgradnja poslovnog centra izvrši u skladu sa Regulacionim planom „Biserna“, kao i u skladu sa idejnim projektom koji je za potrebe Općine izradila firma „Five extra“.
2. Zaključak stupa na snagu danom donošenja.

Broj: 01-05-5033

Goražde, 25.10.2010. godine

PREDSJEDAVAJUĆA VIJEĆA

prim.dr.Vesna Nemeć-Klisura

SADRŽAJ

	O D L U K U	
0512	o utvrđivanju nacрта izmjena Regulacionog plana "VITKOVIĆI" u Goraždu	205
	O D L U K U	
0513	o imenovanju Komisije za davanje stručne ocjene u postupku izdavanja urbanističke saglasnosti	206
	O D L U K U	
0514	o davanju u zakup poslovnih prostorija u vlasništvu Općine Goražde privrednom društvu "KEYSTONE" d.o.o. Sarajevo	206
	O D L U K U	
0515	o usvajanju i provođenju izmjene Regulacionog plana „Ilovača“ u općini Goražde	207
	O D L U K U	
0516	o usvajanju Strategije privlačenja investicija u Općinu Goražde 2011 – 2013.	210
	O D L U K U	
0517	o dodjeli kreditnih sredstava Agenciji za zaštitu ljudi i imovine „POBJEDA SIGURNOST“ d.o.o. Goražde iz Namjenskog depozita Općine Goražde u cilju bržeg zapošljavanja na području Općine Goražde	211
	O D L U K U	
0518	o produženju ugovora o zakupu poslovnih prostora u vlasništvu Općine Goražde	212
	ODLUKU	
0519	o raspisivanju javnog poziva za zakup poljoprivrednog zemljišta u vlasništvu države na području općine Goražde	212
	O D L U K U	
0520	o usvajanju Lokalnog ekološkog akcionog plana (LEAP) 2011 – 2016.	213
	O D L U K U	
0521	o davanju u zakup poslovnih prostorija u vlasništvu Općine Goražde	214
	ODLUKU	
0522	o sufinansiranju JU Dom zdravlja „Dr. Isak Samokovlija“ u realizaciji projekta „Prevenција zaraznih bolesti na području Općine Goražde“, u iznosu od 8.000,00 KM	214

	ODLUKU	
0523	o sufinansiranju provođenja preventivnih mjera od pojave klizišta i plavljenja porodične kuće u vlasništvu Baljić Semiza u naselju Sadba, u iznosu od 1.500,00 KM	215
	ODLUKU	
0524	o isplati naknade u ukupnom iznosu od 2.400,00 KM za plaćene troškove stručnog osposobljavanja za šest (6) pripadnika Općinske specijalizovane jedinice za zaštitu od požara	216
	O D L U K U	
0525	o dodjeli pomoći Općini Maglaj u iznosu 1.000,00 KM, za zbrinjavanje stanovništva ugroženog klizištima, nastalim u periodu od 24.06.2010. do 01.07.2010. godine	216
0526- 0535	ZAKLJUČCI	217

Izdavač: Općina Goražde, Ul. M. Tita 2. 73000 Goražde.

Glavni i odgovorni urednik: Sekretar Općinskog vijeća Općine Goražde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa **GRAFOMERX** Goražde.